

LAN-POLTSETARAKO PROBEN OINARRIAK

ETB

“Kiroletako C Erredaktorea”

2021



XEDEA

Aldi baterako langileak lan-poltsan sartzea arautzen duen erregulazioak bi helburu ditu:

- ☐ Erakundea sortzeko Legean jasota dauden eta Herri Kontuen Euskal Epaitegiak ikuskatzen dituen publizitate- eta merezimendu-printzipioak bermatzea. Horretarako, EITBn kontratatzen diren aldi baterako langile guztientzako poltsa ordenatu bat ezarri behar da.
- ☐ Dagoen lan-poltsa handitzea, izangai berriak barne, dauden beharrak asetzeko.

Hori dela eta, gaur egun kontratatuta dauden aldi baterako langileek eta kanpoko izangaiek osatu ahal izango dituzte lan-poltsak.

SARRERA

Deialdi honen bitartez, ETBko negozio-unitateko “Kiroletako C erredaktoreak” behin-behinean kontratatzeko lan-poltsa barematua elikatu nahi da. Lan-poltsa horretatik ateratzen diren izangaiek lehentasuna izango dute aldi baterako kontrataziorako, deialdiaren ondorioz duten azken ordenaren arabera, baina, betiere, lanpostu horietarako iraganean egindako edo etorkizunean egiten den enpleguko azken eskaintza publikoetatik eratorritako lehentasunezko lan-poltsetan agertzen direnen ondoren.

Lan-poltsaren deialdi honen emaitzak baliozkoak izango dira ETB enpresaren "Kiroletako C erredaktoreak" lanpostuko aldi baterako kontratazio-beharrak asetzeko bakarrik, eta ez dute inolako ondoriorik izango plantillan finkotasuna eskuratzeko orduan.

Lan-poltsa honen baremazioa egiteko, horretarako egiten diren hautaprobeen emaitzak hartuko dira kontuan, oinarri hauetako “Kontratazioa” epigrafean ezarritako irizpideen arabera, bai eta ETBren lan-poltsei buruzko araudia ere.

IRISMENA

1. Kiroletako C erredaktoreak

DEIALDIA ARGITARATZEA

Deialdia eta egutegia EiTbren webgunean argitaratuko dira (<https://www.eitb.eus/eu/eitb-taldea/lan-poltsa/>), eta horren bidez kudeatuko dira hautaketa-prozesuari buruz izangaiei egiten zaizkien jakinarazpen guztiak.

DEIALDIAN IZENA EMATEKO PROZEDURA

Lan-poltsarako probetan parte hartzeko beharrezkoa izango da:

- Hautagaitza behar bezala inskribatzea EUSKAL IRRATI TELEBISTA erakunde publikoaren webgune korporatiboko formularioaren bidez (<https://www.eitb.eus/eu/eitb-taldea/lan-poltsa/>), oinarrietan deskribatutako baldintzen arabera.
- Dagokion dokumentazioa honako helbide honetara bidaltzea posta ziurtatu bidez edo postaz baina hartu-agiriarekin:

**Norentzat: Hautaketa Saila,
EITBren egoitza
Basurtuko Kaputxinoen kalea 2
48013 Bilbao, Bizkaia.**

Beste edozein bidetatik jasotako eskabideak ez dira onartuko. Halaber, baztertu egingo dira oinarrietan eskatzen diren betekizunak betetzen ez dituzten hautagaitzak. Betekizunak dokumentazioa aurkezteko azken egunean bete beharko dira, hau da, 2021eko uztailaren 19an.

Eskabideak aurkezteko epea 2021eko ekainaren 15ean hasiko da eta 2021eko uztailaren 7an amaituko da, bi egun horiek barne.

Egiatagiriak eta dokumentuak aurkezteko epea 2021eko ekainaren 15ean hasiko da eta 2021eko uztailaren 19an amaituko da, bi egun horiek barne.

Izena eman ahal izateko, izangaiak lan-poltsarako proben deialdi honen oinarrietako baldintzak irakurri eta onartu behar ditu.

LANPOSTUAREN PROFILA

Telebistako profesionala da, eta bere ezagutzekin esleitzen zaizkion programen kirolei buruzko edukien gaiak prestatzeaz, bilatzeaz, sortzeaz eta egikaritzeaz arduratzen da.

Erreportajeari buruzko testuak eta iruzkinak idatzi beharko ditu, eta, hala badagokio, berak komentatu beharko ditu mikrofonoaren eta kameraren aurrean. Grabaketa-lanen arduraduna izan daiteke, bai eta iruzkinak editatu eta grabatzeko eta irudiak eta azpigituluak hautatzeko arduraduna ere, gaiaren amaieraraino. Era berean, adierazitako lana gauzatzeko parte hartzen duten langileen arduraduna izan daiteke, bai eta aurkezle-zereginak egin ere, ezarritako baldintzetan.

Eginkizunen artean daude, bestek beste, bideo bat, zuzeneko bat eta zuzeneko faltsu bat prestatzea. Kasu batzuetan teletipo bat eta agentzien irudiak izango ditu. Beste batzuetan, albistearen jarraipena kalean egingo da, kirol-esparruetan, edo prentsaurrekoetara joanda, adituei elkarrizketak eginda edo kaleko inkestak eginda, kamera batekin. Bestalde, kazetariak kirol edukia duen albiste bat bilatu beharko du eta informazio-iturriak landu.

PROBETARA AURKEZTU AHAL IZATEKO BETEKIZUNAK

1. NANA indarrean edukitzea
2. Titulazio hauetakoren bat izatea eskatuko da:
 - Unibertsitateko Kazetaritza Gradua
 - Unibertsitateko Ikus-entzunezko Komunikazioko Gradua
 - Unibertsitateko Publizitateko eta Harreman Publikoetako Gradua
 - Antzeko titulu homologatua
3. Europako Erreferentzia Markoko C1 titulua edo titulu altuago bat eduki behar da, edo Europako Erreferentzia Markoko C1 mailako proba gainditu, oinarri hauetako egin beharreko proben atalean deskribatzen den moduan.

4. B motako gidabaimena eduki beharko da.
5. Lortu nahi den lanpostuari dagozkion eginkizunak betetzearekin bateraezinak diren muga fisiko edo psikikorik ez izatea edo horren eraginpean ez egotea, hargatik eragotzi gabe desgaitasuna duten pertsonen gizarteratzeari buruzko Lege Orokorren testu bategina onartzen duen azaroaren 29ko 1/2013 Legegintzako Errege Dekretuan xedatuta dagoena.

Desgaitasuna duten pertsonen alde enplegua gordetzeko printzipio gidariak eta desgaitasuna duten pertsonen eskubideei eta haien gizarteratzeari buruzko Lege Orokorren testu bategina onartzen duen azaroaren 29ko 1/2013 Legegintzako Errege Dekretuaren 42.1. artikuluan xedatutakoa betetze aldera, desgaitasuna duten pertsonen bete beharreko kupo bat gordeko da lan-poltsarako probetan, gaia arautzen duen araudian ezarritako baldintzetan.

Lehenengo xedapen gehigarriarekin bat etorritik, Enplegatu Publikoaren Oinarrizko Estatutuaren Legearen testu bategina onartzen duen urriaren 30eko 5/2015 Legegintzako Errege Dekretuaren 59. artikuluan, desgaitasuna duten pertsonen buruzkoan, ezarri da enplegu publikoaren eskaintzetan bete beharreko lanpostuen ehuneko zazpiko kupo gordeko dela gutxienez desgaitasunen bat duten pertsonen bete dezaten.

Desgaitasunen bat duten pertsonentzat gordetako plazak eskuratu nahi izanez gero, deialdian parte hartzeko eskabidean adierazi beharko da. Horrela, deialdia egiten den unean, izangaiak desgaitasuna duela adierazi eta egiaztatu beharko du. Horretarako, Lan Ministerioan erakunde duten organoek xede horretarako hautaketa-proben aurretik igorritako ziurtagiria erabili ahal izango da edo, kasuan kasu, eskumena duen autonomia erkidegoak edo aldundiak igorritakoa.

Era berean, lan-poltsako probetatik ateratzen diren pertsonen nahitaezko mediku-azterketa gainditu beharko dute.

EGIN BEHAR DIREN PROBAK

Izangaiak, hala dagokien kasuetan, hizkuntzei buruzko proba hauek edo proba tekniko hauek egin beharko dituzte:

1. Hizkuntza-probak

Europako Erreferentzia Markoko C1 Euskara maila ezinbesteko baldintza izango da prozesuan onartua izateko. Beraz, onartuen behin betiko zerrendan egoteko eta, ondorioz, prozesuko proba teknikoak egin ahal izateko, C1 Euskara-maila egiaztatu beharko da, titulua aurkeztuta edo onartuen behin betiko zerrenda argitaratu aurretik EITBk egingo duen hizkuntza-proba gaindituta.

Halaber, Europako Erreferentzia Markoko Euskarako C2 titulua dutela egiaztatzen duten hautagaiek ez dute hizkuntza-probarik egin beharko. Hala ere, maila hori titulu ofizial bidez egiaztatzen ez duten onartutako hautagaiek, prozesuaren amaieran, Euskararen C2 mailako hizkuntza-proba egin ahal izango dute maila hori egiaztatzeko.

Proba osoa gaindituta, Euskarako C2 titulua dutenak edo prozesuaren amaieran horretarako egingo den hizkuntza-proba gainditu dutenak lan-poltsan sartuko dira automatikoki. Hala ere, prozesu osoa gaindituta, Euskararen C2 maila egiaztatzen ez dutenek (ez titulua ofizialki aurkeztuz, ez proba gaindituz) lan poltsa proba hauen zerrendan puntuazioa lortuko dute, baina ez dira lan-poltsan benetan sartuko, eta ezingo dira kontratatu harik eta C2 maila egiaztatzen duten arte, "Kontratazioa" atalean zehazten den moduan.

C1 euskara-proba.

Europako Erreferentzia Markoko C1 maila. Europako Erreferentzia Markoko euskararen C1 titulua edo titulu altuago bat edukitzeko eskatuko da. Europako Erreferentzia Markoko euskararen C1 titulurik ez duten kasuetan, izangaiak maila egiaztatzeko egingo den proba gainditu beharko da, zeina prozesuan parte hartzeko egingo den.

Proba GAI edo EZ-GAI gisa baloratuko da, proba egiteko ardura duen erakunde ofizialak ezarritako irizpideen arabera.

Era berean, poltsako proba hauetako hizkuntza-gaitasunaren ebaluazioan GAI lortzeak ez du esan nahi ofizialki homologatutako titulurik edo maila ofizialik egiaztatu denik.

Proba egin ondoren, probaren behin-behineko emaitzak argitaratuko dira dagokion webgunean (<https://www.eitb.eus/eu/eitb-taldea/lan-poltsa/>) eta izangaiak 3 egun balioduneko epea izango du egokitzat jotzen dituen erreklamazioak egiteko.

📄 C2 euskara-proba.

Europako Erreferentzia Markoko C2 maila. C2 maila egiaztatzeko, Europako Erreferentzia Markoko euskararen C2 titulua eduki beharko da. Europako Erreferentzia Markoko euskararen C2 titulurik ez duten kasuetan, izangaiak maila egiaztatzeko egingo den proba gainditu beharko da.

Proba GAI edo EZ-GAI gisa baloratuko da, proba egiteko ardura duen erakunde ofizialak ezarritako irizpideen arabera.

Era berean, poltsako proba hauetako hizkuntza-gaitasunaren ebaluazioan GAI lortzek ez du esan nahi ofizialki homologatutako titulurik edo maila ofizialik egiaztatu denik.

Proba egin ondoren, probaren behin-behineko emaitzak argitaratuko dira dagokion webgunean (<https://www.eitb.eus/eu/eitb-taldea/lan-poltsa/>), eta izangaiak 3 egun balioduneko epea izango du egokitzat jotzen dituen erreklamazioak egiteko.

2. Proba teknikoa

Haztatzeko, gehienez ere, 100 puntu aplikatuko dira, ezarritako irizpideekin bat etorriz. Nahitaezkoa eta baztertzaila izango da.

Proba tekniko osoa gainditu dutela joko da, baldin eta izangaiek probaren puntuazioaren erdia edo osoa lortzen badute, eta, betiere, gutxieneko puntuazioa lortzen badute (erdia) jarraian adierazi diren kasu praktiko guztietan:

- 1- Albiste bat idatzi teletipo bat erabiliz.** Albistea euskaraz eta gaztelaniaz idatzi behar da. Albiste hori idatzizko formatuan aurkeztuko da, eta gutxienez 70 hitz izango ditu.

Ebaluazio-irizpideek honako hauek jasoko dituzte: ortografia- eta gramatika-zuzentasuna, EiTbren estilo-liburura egokitzea, kazetaritza-garrantziaren irizpideak, eta-baliabideen erabilera egokia.

Haztapenari dagokionez, 30 puntu emango dira, gehienez ere.

- 2- Bideoa editatzea.** Minutu bateko bideo bat editatuko da, euskaraz zein gaztelaniaz, ETBren irudi gordinen material bat (3 edo 4 minutuko masterra) eta testu bat abiapuntu hartuta. Albiste labur baten irudien muntaketa-lanak egin beharko dira (minutu 1).

Webgunean eskuragarri dagoen oinarrizko bideo-edizioko edozein tresna erabili ahal izango da (Premier, Final Cut, Edius, Vegas eta abar).

Ebaluazio-irizpideek honako hauek barne hartuko dituzte: planoen hautaketa, testuarekin duten egokitasuna, iraupena, trantsizioen eta muntaketaren egokitasuna eta irudiaren argitasuna eta garbitasuna.

Haztapenari dagokionez, 20 puntu emango dira, gehienez ere.

- 3- Kamera aurrean aurkeztea, bai euskaraz, bai gaztelaniaz.** Teletipo bat abiapuntu hartuta, 40 segundoko *stateman* bat egingo da kameraren aurrean.

Kameraren aurreko jarrera, lokuzioa eta laburtzeko gaitasuna baloratuko dira. Haztapenari dagokionez, 25 puntu emango dira, gehienez ere.

- 4- Emankizun bat egitea euskaraz,** aldez aurretik editatutako 6 minutuko bideo bat oinarri hartuta.

Ondorengo kontakizuna egiteko irudien hautaketa baloratuko da. Lokuzioaren jariahurtasuna, emozioak transmititzeko gaitasuna eta gaiari buruzko ezagutza.

Haztapenari dagokionez, 25 puntu emango dira, gehienez ere.

Proba egin ondoren, probaren behin-behineko emaitzak argitaratuko dira dagokion webgunean (<https://www.eitb.eus/eu/eitb-taldea/lan-poltsa/>) eta izangaiak 3 egun balioduneko epea izango du egokitzat jotzen dituen erreklamazioak egiteko.

EMAITZAK

Egin beharreko proba guztiak amaituta, izangaiak proba baztertzailerak gainditu baditu, proba teknikoaren puntuazio osoa zenbatuko da. Emaitzak baloratzeko, 100 puntu emango dira gehienez ere.

Izangaiak proba tekniko osoa gainditu dutela joko da, baldin eta proba osoaren puntu guztien erdia edo gehiago lortu badituzte, betiere, proba osatzen duten kasu praktiko guztietan gutxienezko puntuazioa lortu badute (puntuazio erdia).

KONTRATAZIOA

Proba osoa gainditzen dituzten izangaiak automatikoki sartuko dira Kiroletako C erredaktorea izateko lanpostuaren lan-poltsa barematuan, beheranzko hurrenkeran, eskuratutako behin betiko emaitzei jarraikiz. Lan-poltsa aldi baterako kontratazio guztiak egiteko erabiliko da, modalitatea edozein izanda ere, eta ETBren lan-poltsari buruzko araudia izango da erreferentzia-esparrua.

Era berean, prozesuan onartua izateko Euskararen C1 mailaren egiaztapena nahitaezkoa izango bada ere, hautagaiak C2 euskara-maila egiaztatu beharko du lan-poltsan benetan sartzeko, titulu ofiziala aurkeztuta, edo egin beharreko proben atalean deskribatutako proba eginda.

Horrenbestez, euskararen C1 maila egiaztatzen duten izangaiak, euskararen C2 maila egiaztatzen baldin badute, lan-poltsara sartuko dira, betiere, prozesuaren gainerako atalak gainditzen badituzte.

Euskararen C1 maila egiaztatzen duten eta prozesu osoa gainditu duten izangaiak, C2 maila egiaztatu ez badute ere (ez titulu ofizialaren bitartez, ez proba gaindituz), azken puntuazioa lortuko dute lan-poltsa honetako zerrendan. Hala eta guztiz ere, ez dira benetan lan-poltsara sartuko, eta, hortaz, ez zaizkie sortu daitezkeen kontraturik eskainiko prozesuaren ondoren euskararen C2 maila egiaztatzen duten arte (egiaztatzeko titulu ofizial baten bitartez egin beharko dute).

Prozesu hau amaitu ondoren, izangaiek titulu ofiziala aurkeztuz egiaztatu ahal izango dute Europako Erreferentzia Markoko euskararen C2 maila, titulua lortzen dutenean aurkeztuz, eta une horretan automatikoki aktibatuko dira lan-poltsan.

Kiroletako C erredaktorea izeneko lan-poltsa bakarra izango da, eta honako talde hauek osatuko dute, lehentasun-hurrenkera honetan:

1. Azken enplegu-deialdi publikoko taldea
2. Poltsarako azken probako taldea

Hasierako lehentasun hurrenkera, deialdi honetako oinarrietan definitutako proba edo deialdietan lortutako notaren arabera ezarriko da, ETB lan-poltsari buruzko araudiarekin bat etorritik aplikatzen diren ondorengo hobariak eta zigorrak gorabehera.

Beraz, proba hori gainditzen duten izangaiek lan-poltsaren bigarren taldean sartuko dira, eta lehentasuna izango dute enplegu publikoaren azken deialdian probak gainditzen dituzten izangaiek.

Lan-poltsa honen osaera gertakari hauetakoren bat gertatu arte egongo da indarrean:

- Etorkizuneko enplegu-deialdi publikoak
- Etorkizuneko lan-poltsetarako probak

Hautatu nahi dituzten lanpostuetako zeregin guztiak egitea eragozten dien % 33ko edo gehiagoko desgaitasun funtzionalaren ziurtagiria aurkezten duten pertsonen dagokienez, haiek kontratatzearen alde egingo da, eta honako hau egingo da, hain zuzen ere: geratzen diren hurrenkeraren arabera deituko zaie, eta egiten diren 25 kontratatutik gutxienez 2 desgaitasuna duten pertsonen alde egingo zaizkie. Haiek, aldi berean, egoera hori egiaztatu beharko dute eskumena duen organoak igorritako ziurtapenaren fotokopia konpultsatua bitartez, non desgaitasuna eta desgaitasunaren maila zehaztuko diren.

Era berean, lan-poltsaren zerrendak EITBren webgunean argitaratuko dira, eta ETBko lan-poltsaren araudian ezartzen diren pertsonen ikusi ahal izango dituzte.